

Akashvani, Sambalpur

SAMBALPURI NEWS EVENING BULLETIN

5 May 2024- 7.02 pm- 7.12 pm.

- ୧- ବିଜେପିର ବରିଷ୍ଠ ନେତା ଆର ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ଆସକ୍ ରାତି ପୁଛୁଟିବେ ଭୁବନେଶ୍ୱର ।
- ଆସବା କାଏଲ୍ ବ୍ରହ୍ମପୁର ଆର ନବରଙ୍ଗପୁର ନ କରବେ ଦଲୀୟ ପ୍ରଚାର ।
- ୨- ରାଜ୍ୟ ବିଜେପିର ନିର୍ବାଚନୀ ଇସ୍ତାହାର ସଂକଳ୍ପ ପତ୍ରକେ ଉନ୍ମୋଚନ କଲେ ରାଷ୍ଟ୍ରୀୟ ଅଧ୍ୟକ୍ଷ ଜେ.ପି. ନଡ୍ଡା ।
- ୩- ରାଏଜେ ୩ ନୟର ଖେପ୍ ନିର୍ବାଚନ ଲାଗି ଆସବା କାଏଲ୍ ହେଉଛେ ନାମାଙ୍କନ ପ୍ରକ୍ରିୟାର ଶେଷ ଦିନ ।
- ୪- ସମ୍ବଲପୁର ନ ମିଶନ ଫର ନେସନ କାର୍ଯ୍ୟକ୍ରମ୍ ଯୋଗ୍ ଦେଇଛନ୍ ବୈଦେଶିକ ମନ୍ତ୍ରୀ ଏସ୍. ଜୟଶଙ୍କର ।

ଆଉର

- ୫- ଟିଟିଲାଗଡ୍ ନ ଆସକ୍ ରେକର୍ଡ୍ ହେଲା ରାଜ୍ୟର ସବୁନୁ ଜହ୍ ତାତି ।

ପ୍ରଧାନମନ୍ତ୍ରୀ ଓଡ଼ିଶା ଗସ୍ତ ଆରମ୍ଭ/ ସମ୍ବଲପୁର

ଭାରତୀୟ ଜନତା ପାର୍ଟିର ବରିଷ୍ଠ ନେତା ଆଉ ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ଆସନ୍ତା ୨ ଦିନିଆ ଓଡ଼ିଶା ଗସ୍ତ ନ ଆସୁଛନ୍ତି । ପ୍ରଧାନମନ୍ତ୍ରୀ ଆସିବା ରାତି ସାଢ଼େ ୯ ବଜେ ଭୁବନେଶ୍ୱର ପୁରୁଷୋତ୍ତମ ରାଜଭବନ ନ ରାତି ରହେବେ । ପ୍ରଧାନମନ୍ତ୍ରୀଙ୍କର ଗସ୍ତ ଲାଗି ସୁରକ୍ଷା ବନ୍ଦୋବସ୍ତୁ ଭୁବନେଶ୍ୱର ନ ୨୦ ପ୍ଲଗୁନ୍ ଫୋର୍ସ ଲାଗିବେ ବଳି ଭୁବନେଶ୍ୱର ଡିସିପି ପ୍ରତୀକ୍ଷା ସିଂ ସୁରକ୍ଷା ଦେଇଛନ୍ତି । ଇ ଗସ୍ତ ପ୍ରଧାନମନ୍ତ୍ରୀ ଆସିବା କାଳ ସଖାଲେ ବ୍ରହ୍ମପୁର ସହର ପାଖର କନିସି ଆର ମଧ୍ୟାହ୍ନେ ନବରଙ୍ଗପୁର ଜିଲ୍ଲାର ଚିକିଲି ଠାରେ ଦଳର ନିର୍ବାଚନ ସଭା ଉଦ୍‌ବୋଧନ ଦେବାର କାର୍ଯ୍ୟକ୍ରମ ରହିଛି । ପ୍ରଧାନମନ୍ତ୍ରୀ ଫେରଘାଏ ଆସିବା ୧୦ ତାରିଖ ଦିନ ୨ ଦିନିଆ ଓଡ଼ିଶାଗସ୍ତ ନ ଆସିବାର କାର୍ଯ୍ୟକ୍ରମ ରହିଛି । ପ୍ରଧାନମନ୍ତ୍ରୀ ୧୦ ତାରିଖ ଉପରବେଳା ଭୁବନେଶ୍ୱର ପୁରୁଷୋତ୍ତମ ସେନ ଗୁଡ଼େ ରୋଡ୍ ସୋ କରବେ ଆର ୧୧ ତାରିଖ ବଲାଙ୍ଗିର ନ ଗୁଡ଼େ ସାଧାରଣ ସଭା ଉଦ୍‌ବୋଧନ ଦେବେ ବଳି ଦଳୀୟ ସୁତ୍ରକୁ ଜନାପଡ଼ିଛି ।

ଜେ.ପି. ନନ୍ଦା- ଓଡ଼ିଶା ପ୍ରେସ୍ ରିଲିଜ୍

ଆମେ ଯାହା କହିଥିଲୁ, ତାହା କରିଛୁ ଆଉ ଯାହା ନାହିଁ
କହିଥାଇ ହେତା ଭିଲ୍ କରିଛୁ ବଳି ଭାରତୀୟ ଜନତା ପାର୍ଟିର
ରାଷ୍ଟ୍ରୀୟ ଅଧ୍ୟକ୍ଷ ଜଗତ୍ ପ୍ରକାଶ୍ ନଡ୍ଡା କହିଛନ୍ତି । ଆଏଜ୍
ଭୁବନେଶ୍ୱର ନ ରାଜ୍ୟ ବିଜେପିର ନିର୍ବାଚନୀ ଇସ୍ତାହାର ସଂକଳ୍ପ
ପତ୍ର ଉନ୍ମୋଚନ କରିକରି ସେ କହିଛନ୍ତି ଯେ, ଆମର ଲାଗି
ସଂକଳ୍ପ ପତ୍ର ଗେରୋଟି କାଡ଼ି ଆଏ । ପ୍ରଧାନମନ୍ତ୍ରୀ ନରେନ୍ଦ୍ର
ମୋଦୀଙ୍କର ନେତୃତ୍ୱ ଉପରେ ବିଜେପି ବିକାଶମୂଳକ ରାଜନୀତି
ବିଶ୍ୱାସ କରୁଛି । ମୋଦୀଙ୍କର ଶାସନକାଳରେ ଦେଶର ୨୫
କୋଟି ଲୋକ ଦାରିଦ୍ର୍ୟ ସୀମାରେଖା ଉପରକୁ ଉଠିଛନ୍ତି ।

ଶ୍ରୀ ନଡ୍ଡା ଉନ୍ମୋଚନ କରିଥିବା ରାଜ୍ୟ ବିଜେପିର ସଂକଳ୍ପ ପତ୍ର
ଚାଷୀମାନଙ୍କୁ ଧାନ କୁଳ୍ମଟାଲ୍ ପିଛା ୩୧ ଶହ ଟଙ୍କା
ଦିଆଯିବାର ସଙ୍ଗେ କର୍ମୀ ଛର୍ମୀ ପୁରା ବନ୍ଦ,
ମହିଳାମାନଙ୍କର ଲାଗି ସୁଭଦ୍ରା ଯୋଜନା ଫି' ମହିଳାଙ୍କୁ
୫୦ ହଜାର ଟଙ୍କା କେସ୍ ଭାଉଟର, ଦେଶର ସବୁ ମେଟ୍ରୋ
ସିଟି ନ ଓଡ଼ିଶା ଭବନ୍, ଶିକ୍ଷାଚଳ୍ କରିଡ଼ର ବିକାଶ,
କେନ୍ଦ୍ରପତ୍ର ତୋଳାଲିମାନଙ୍କୁ ୩୫ ପ୍ରତିଶତ ଆଉ
ବନ୍ଧାଲୀମାନଙ୍କୁ ୧୦ ପ୍ରତିଶତ ବୋନସ୍, ପି.ଏମ୍. ଆବାସ
ଯୋଜନା ୧୫ ଲାଖ୍ ଘର ତିଆରି, ବୁଣାକାର ସମ୍ମାନ
ନିଧି ଯୋଜନା ସହାୟତା ଆଉ ପୁରୀ ଶ୍ରୀ ମନ୍ଦିରର
ରତ୍ନଭଣ୍ଡାର ଖୁଲାଇବାର ବାଗିର୍ ପ୍ରତିଶ୍ରୁତିମାନ
ଦିଆଯାଇଛି । ଇ ସଂକଳ୍ପ ପତ୍ର ଉନ୍ମୋଚନ ଅବସରେ
ବିଜେପି ରାଜ୍ୟ ସଭାପତି ମନମୋହନ୍ ସାମଲ୍ ଆଉ

ରାଜ୍ୟ ନିର୍ବାଚନ ଇସ୍ତାହାର କମିଟିର ମୁଖ୍ୟ ସମୀର ମହାନ୍ତି
ଉପସ୍ଥିତ ଥିଲେ ।

ରାଜନାଥ ସିଂ- ଅମିତ୍ ଶାହା-ଓଡ଼ିଶା ଆରଏନ୍ୟୁ/କଟକ

କେନ୍ଦ୍ର ପ୍ରତିରକ୍ଷା ମନ୍ତ୍ରୀ ରାଜନାଥ ସିଂ ଆଏବା ୮ ତାରିଖ ଦିନ
ଓଡ଼ିଶା ଆସୁଛନ୍ତି । ସେ ରାୟଗଡ଼ା ନ ଦଳୀୟ ପ୍ରାର୍ଥୀଙ୍କର
ଲାଗି ପ୍ରଚାର କରବେ । ସେନ୍ତା କେନ୍ଦ୍ର ଗୃହମନ୍ତ୍ରୀ ଅମିତ୍
ଶାହା ଆଏବା ୧୨ ତାରିଖ ଦିନ ଓଡ଼ିଶା ଗସ୍ତ ନ ଆଏବେ
ବଲି ବିଜେପି ରାଜ୍ୟ ନିର୍ବାଚନ ପ୍ରଭାରୀ ବିଜୟପାଲ୍ ସିଂ
ତୋମାର ସୂଚନା ଦେଇଛନ୍ତି ।

ମୁଖ୍ୟମନ୍ତ୍ରୀ- ନୂଆପଡ଼ା ନୂଆପଡ଼ା ସମ୍ଭାବଦାତା

ବିଜେଡ଼ିର ବରିଷ୍ଠ ନେତା ଆର୍ ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍
ଆଏବା କାଏଲ୍ ଦଳୀୟ ପ୍ରାର୍ଥୀଙ୍କର ପ୍ରଚାର ଲାଗି
ନୂଆପଡ଼ା ଜିଲ୍ଲାଗସ୍ତ ନ ଆସୁଛନ୍ତି । ସେ ଖଡ଼ିଆଲ୍ ଠାନ୍ନେ
କଲହାଣ୍ଡି ଲୋକସଭା ଆର୍ ଖଡ଼ିଆଲ୍ ବିଧାନସଭା
ଆସନ୍ନର ପ୍ରାର୍ଥୀଙ୍କର ଲାଗି ପ୍ରଚାର କରବାର କାର୍ଯ୍ୟକ୍ରମ୍
ରହିଛେ ।

ସମ୍ବଲପୁର

ରାଏଜେ ୩ ନମ୍ବର ଖେପ୍ ନିର୍ବାଚନ ଲାଗି ଆଏବାକାଏଲ୍ ନାମାଙ୍କନ୍ ପତ୍ର ଦାଖଲ୍ ଶେଷ୍ ଦିନ । ଇ ଖେପେ ପଶ୍ଟିମ ଓଡ଼ିଶାର ସମ୍ବଲପୁର ସହେତେ ରାଜ୍ୟର କେନ୍ଦୁଝର, ଦେଙ୍କାନାଲ୍, କଟକ୍, ପୁରୀ ଆର୍ ଭୁବନେଶ୍ୱର ଲୋକସଭା କ୍ଷେତ୍ର ଆର୍ ଇତାର ଅଧିନ୍ୟ ଥିବା ୪୨ ଟା ବିଧାନସଭା କ୍ଷେତ୍ର ଲାଗି ଆଏବା ୨୫ ତାରିଖ୍ ଦିନ ଭୋଟ୍ ହେବା ।

ସେନ୍ତା ରାଏଜେ ୨ ନମ୍ବର ଖେପ୍ ନିର୍ବାଚନ ଲାଗି ଆଏବା ୨୦ ତାରିଖ୍ ଦିନ ଭୋଟ୍ ହେବା । ହେଥ୍ ପଶ୍ଟିମ ଓଡ଼ିଶାର ବଲାଙ୍ଗିର, ବରଗଡ୍, ଆର୍ ସୁନ୍ଦରଗଡ୍ ସହେତେ ରାଜ୍ୟର ଆସ୍କା ଆର୍ କନ୍ଧମାଲ୍ ଲୋକସଭା କ୍ଷେତ୍ର ଆର୍ ସେତାର ଅଧିନ୍ୟ ଥିବା ୩୫ ଟା ବିଧାନସଭା କ୍ଷେତ୍ର ଲାଗି ଭୋଟ୍ ହେବା । ଇ ଭୋଟ୍ ଲାଗି ଗଲା ମାସର ୨୬ ତାରିଖ୍‌କୁ ମୁଲ୍ ହେଇଥିବା ନାମାଙ୍କନ୍ ଦାଖଲ୍ ପ୍ରକ୍ରିୟା ଗଲା ୩ ତାରିଖ୍ ଦିନ ଶେଷ୍ ହେଇଛେ । ଇ ଖେପର ଲୋକସଭା ଆସନ୍ ଲାଗି ୪୭ ଝନ୍ ଆର୍ ବିଧାନସଭା ଆସନ୍ ଲାଗି ୨ ଶହ ୯୮ ଝନ୍ ନାମାଙ୍କନ୍ ପତ୍ର ଦାଖଲ୍ କରିଛନ୍ । ବିଧାନସଭା ଆସନ୍ ଲାଗି ହେଇଥିବା ନାମାଙ୍କନ୍ ଦାଖଲ୍‌ଥ୍ ସୁନ୍ଦରଗଡ୍ ଜିଲ୍ଲାର

ବୀରମିତ୍ରପୁର ଆସନ୍ ନ ସବୁନୁ ଅଏତକା ୧୫ ଝନ୍ ପ୍ରାର୍ଥୀ
ଥୁବାର ବେଲେ ରାଉରକେଲା ଲାଗି ୧୪ ଝନ୍ ପ୍ରାର୍ଥୀ ରହିଛନ୍ ।

ସେନ୍ତା ବଲାଙ୍ଗିର ଜିଲ୍ଲାର କଟାବାଞ୍ଜି ଲାଗି ୧୩ ଝନ୍,
ସୁନ୍ଦରଗଡ଼ ଜିଲ୍ଲାର ବଣେଇ ଲାଗ ୧୨ ଝନ୍, ଝାରସୁଗୁଡ଼ା
ଜିଲ୍ଲାର ବ୍ରଜରାଜନଗର ଆର ଝାରସୁଗୁଡ଼ା ଆଉ ବଲାଙ୍ଗିର ଜିଲ୍ଲା
ପାଟ୍ଟନାଗଡ଼ ବିଧାନସଭା ଆସନ୍ ଲାଗି ୧୦ ଝନ୍ ଲେଖା ପ୍ରାର୍ଥୀ
ରହିଛନ୍ । ଆଏବା କାଏଲ୍ ନାମାଙ୍କନ୍ ପତ୍ର ଫିରେଇ ନେବାର
ଶେଷ୍ ସମିଆ ଉତ୍ତରୁ ଚୁଡ଼ାନ୍ତ ପ୍ରାର୍ଥୀ ତାଲିକା ବାହାରବା ।

ଏସ୍. ଜୟଶଙ୍କର -ସମ୍ବଲପୁର ସମ୍ବଲପୁର ସମ୍ବାଦଦାତା

ସମ୍ବଲପୁର ନାଗରିକ୍ ପରିଷଦ୍ ତରଫୁ ମନ୍ଦଳିଆର ସହରର
ହୋଟେଲ୍ ରିଉରଇନ୍ ପରିସର ନ ଇହାଛିନି ମିଶନ୍ ଫର୍
ନେସନ୍ କାର୍ଯ୍ୟକ୍ରମ୍ ଆୟୋଜିତ୍ ହେଇଛେ । ହେଥୁ ଦେଶର
ବୈଦେଶିକ୍ ମନ୍ତ୍ରୀ ଏସ୍. ଜୟଶଙ୍କର ଅତିଥି ଭାବେ ଯୋଗ୍
ଦେଇଛନ୍ । ତାକର ସଙ୍ଗେ ଦଲର ବରିଷ୍ଠ ନେତା
କେନ୍ଦ୍ରମନ୍ତ୍ରୀ ଧର୍ମେନ୍ଦ୍ର ପ୍ରଧାନ ଭିଲ୍ କାର୍ଯ୍ୟକ୍ରମ୍ ଉପସ୍ଥିତ୍
ଅଛନ୍ । ଇତାର ଆଘୋନୁ ଆଏଲ୍ ସଖାଲେ କଟକ୍ ନ
ହେଇଥିବା ବୁଦ୍ଧିଜୀବୀ ସମ୍ମିଳନୀଥୁ ବୈଦେଶିକ୍ ମନ୍ତ୍ରୀ ଶ୍ରୀ
ଜୟଶଙ୍କର ଯୋଗ୍ ଦେଇକରି ଦେଶର ବୈଦେଶିକ୍ ନୀତି

ସଫଳ ହେଲେ ଦେଶର ଛବି ବିଶ୍ୱ ନ ପ୍ରତିଫଳିତ୍ ହେବା
ବଳି କହିଥିଲେ ।

କଂଗ୍ରେସ୍ ପ୍ରାର୍ଥୀ ହିନ୍ଦୁସ୍ଥାନ ସମାଚାର

ଭାରତୀୟ ଜାତୀୟ କଂଗ୍ରେସ୍ ରାଜ୍ୟର ୫ ଟା ବିଧାନସଭା
ଆସନର ପ୍ରାର୍ଥୀ ବଦ୍ଧଲେଇଛେ । ସମ୍ବଲପୁର ଲୋକସଭା
କ୍ଷେତ୍ରର ଆଫଲିକ୍ ବିଧାନସଭା ଆସନକୁ ଆନ୍ଦୋଳୁ
ବିଜୟା ନନ୍ଦ ଚାଉଳିଆ କଂଗ୍ରେସ୍ ପ୍ରାର୍ଥୀ ହେଇଥିବାର
ବେଳେ ତାଙ୍କର ଜାଗା ନ ହିମାଂଶୁ ଚାଉଳିଆଙ୍କୁ ପ୍ରାର୍ଥୀ
କରାଯାଇଛେ । ସେତା ପ୍ରାର୍ଥୀ ବଦ୍ଧଲା ଯାଇଥିବା ବାକି
ବିଧାନସଭା ଆସନ ମାନଙ୍କର ଭିତରୁ ପୁରୀକୁ ଉମାବଲୁଭ
ରଥ, ଜଳେଶ୍ୱରକୁ ସୁଦର୍ଶନ ଦାସ, ବରି ନୁ ଦେବାଶିଷ୍ଟ
ନାୟକ୍ ଆର ଆଠଗଡ଼କୁ ସୁଦର୍ଶନ ସାହୁଙ୍କୁ କଂଗ୍ରେସ୍ ପ୍ରାର୍ଥୀ
କରାଯାଇଛେ । ଇତାରୁଛଡ଼ା ନୀଳଗିରି ବିଧାନସଭା
ଆସନକୁ କଂଗ୍ରେସ୍ ଅକ୍ଷୟ ଆଚାର୍ଯ୍ୟଙ୍କୁ ପ୍ରାର୍ଥୀ କରିଛେ ।

ସର୍ଭିସ୍ ଭୋଟର -ମତଦାନ ପ୍ରେସ୍ ରିଲିଜ୍

ଦେଶର ଦୂରିଆ ଇଲାକାମାନଙ୍କୁ ପ୍ରତିରକ୍ଷା ବାହିନୀଥି କାମ୍
କରୁଥିବା ସର୍ଭିସ୍ ଭୋଟର ଆର ତାଙ୍କର ପତ୍ନୀ ଆର ସ୍ତ୍ରୀମୀ

ଯେନ୍ତା ମତଦାନ କରିପାରବେ ସେଥିରୁଲାଗି ନିର୍ବାଚନ
ଆୟୋଗଙ୍କର ତରଫୁ ପୋଷ୍ଟାଲ୍ ବେଲଟ୍ ସୁବିଧା
ଦିଆଯାଇଛି । ଓଡ଼ିଶା ନ ପହେଲା ଖେପେ ଭୋଟ୍
ହେବାରକେ ଯାଉଥିବାର କଳାହାଣ୍ଡି, ନବରଙ୍ଗପୁର,
କୋରାପୁଟ୍ ଆର୍ ବ୍ରହ୍ମପୁର ଲୋକସଭା କ୍ଷେତ୍ର ଆର୍ ତାର
ଅଧୀନଥି ଥିବା ବିଧାନସଭା କ୍ଷେତ୍ରର ସର୍ଭିସ୍ ଭୋଟର୍
ମାନଙ୍କର ଲାଗି
ଇ-ପୋଷ୍ଟାଲ୍ ବେଲଟ୍ ପଠା ସରିଛି । ରାଜ୍ୟର ସର୍ଭିସ୍
ଭୋଟର୍ ମାନେ ଯେନ୍ତା ନିର୍ଭୁଲ୍ ଭାବେ ସେମାନଙ୍କର
ମତଦାନ କରିପାରବେ ସେଥିରୁଲାଗି ସବୁ ରକ୍ତମର
ବ୍ୟବସ୍ଥା କରାଯାଇଛି ବଳି ରାଜ୍ୟ ମୁଖ୍ୟ ନିର୍ବାଚନ
ଅଧିକାରୀ ନିକୁଞ୍ଜ ବିହାରୀ ଧଳ କହିଛନ୍ ।

ଭୋଟ୍ ଗନ୍ତି-ତାଲିମ୍ ଶିବିର ପ୍ରେସ୍ ରିଲିଜ୍

ରାଏଜେ ଭୋଟ୍‌ଗନ୍ତି ଯେନ୍ତା ନିର୍ଭୁଲ୍ ଭାବେ ହେଇପାରବା
ହେଥିରୁଲାଗି ରାଜ୍ୟ ମୁଖ୍ୟ ନିର୍ବାଚନ ଅଧିକାରୀଙ୍କର
କାର୍ଯ୍ୟାଳୟ ତରଫୁ ଭୁବନେଶ୍ୱରର ଗୋପବନ୍ଧୁ ପ୍ରଶାସନିକ
ଏକାଡେମୀ ନ ଗୁଟେ ତାଲିମ୍ କାର୍ଯ୍ୟକ୍ରମ୍ ହେଇଯାଇଛି ।
ହେଥି ରାଜ୍ୟ ମୁଖ୍ୟ ନିର୍ବାଚନ ଅଧିକାରୀ ନିକୁଞ୍ଜ ବିହାରୀ
ଧଳ ଯୋଗ୍ ଦେଇକରି ଭୋଟ୍‌ଗନ୍ତି ବାବଦ୍ ସବୁ ନିୟମ୍
ଯେନ୍ତା ଠିକ୍ ଠିକ୍ ପାଳନ୍ ହେଇପାରବା ହେଥିରୁଲାଗି

ବ୍ୟବସ୍ଥା କରବାରକେ ଉପସ୍ଥିତ ଜିଲ୍ଲା ନିର୍ବାଚନ ଅଧିକାରୀ
ଆର ରିଟର୍ଣ୍ଣ ଅଧିକାରୀ ମାନଙ୍କୁ ପରାମର୍ଶ ଦେଇଥିଲେ ।
ପ୍ରଶିକ୍ଷଣ କାର୍ଯ୍ୟକ୍ରମ ଉପସ୍ଥିତ ଅଧିକାରୀମାନଙ୍କୁ ଇତିଏତ୍
ଆର ଭିତ୍ତିପାତ୍ର ସାଙ୍ଗେ ପୋଷ୍ଟାଲ୍ ବେଲଟର ଗନ୍ତି ପଦ୍ଧତି
ବାବଦେ ତାଲିମ୍ ଦିଆଯାଇଥିଲା ।

ନିର୍ବାଚନ ପର୍ଯ୍ୟବେକ୍ଷକ ପ୍ରେସ୍ ରିଲିଜ୍

ରାଏଜେ ନିର୍ବାଚନ ପ୍ରକ୍ରିୟାକେ ସ୍ପଷ୍ଟ, ମୁକ୍ତ, ଅବାଧ ଆଉ
ନିରପେକ୍ଷ କରବାରକେ ନିର୍ବାଚନ ଆୟୋଗଙ୍କର ତରଫୁ
ସାଧାରଣ ପର୍ଯ୍ୟବେକ୍ଷକ, ପୁଲିସ୍ ପର୍ଯ୍ୟବେକ୍ଷକ ଆର
ବ୍ୟୟ ପର୍ଯ୍ୟବେକ୍ଷକ ନିଯୁକ୍ତି କରାଯାଇଛେ । ସବୁ
ପର୍ଯ୍ୟବେକ୍ଷକ ମାନଙ୍କର ନାଁ ଠିକ୍ନା ଆର ଯୋଗାଯୋଗର
ନମ୍ବର ରାଜ୍ୟ ମୁଖ୍ୟ ନିର୍ବାଚନ ଅଧିକାରୀଙ୍କର
ଫ୍ରେସ୍‌ସାଇଟ୍‌ସ୍ ଦିଆଯାଇଛେ । ଇତାରଛଡ଼ା ଜିଲ୍ଲା ନିର୍ବାଚନ
ଅଧିକାରୀ ଆର ଜିଲ୍ଲାପାଳମାନେ ଭିଲ୍ ନିଜର ନିଜର
ଜିଲ୍ଲାର ଦାୟିତ୍ଵ ଥିବା ପର୍ଯ୍ୟବେକ୍ଷକ ମାନଙ୍କର ନାଁ ଠିକ୍ନା
ଆର ଯୋଗାଯୋଗ ନମ୍ବର ପ୍ରକାଶ୍ କରଉଛନ୍ । ନିର୍ବାଚନ
ବାବଦ୍ କେହେନି ଭିଲ୍ ଅଭିଯୋଗ୍ ପର୍ଯ୍ୟବେକ୍ଷକମାନଙ୍କର
ଠାନେ ଦାଖଲ୍ କରାଯାଇପାର୍‌ବା ବଲି ରାଜ୍ୟ ମୁଖ୍ୟ
ନିର୍ବାଚନ ଅଧିକାରୀଙ୍କର କାର୍ଯ୍ୟାଳୟ ତରଫୁ
କୁହାଯାଇଛେ ।

ଧରଣୀଧର ନାୟକ ଆରବିନ୍ଦ୍/ କଟକ

ମହାନ ବିପ୍ଳବୀ ଧରଣୀଧର ନାୟକଙ୍କର ଜୟନ୍ତୀ ଅବସରେ ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ ଶ୍ରଦ୍ଧାଞ୍ଜଳି ଜନେଇଛନ୍ । ଜନଜାତି ଭାଇବହେନ୍ ମାନକର ଅଧିକାରର ସୁରକ୍ଷା ଆର କଲ୍ୟାଣ୍ ଲାଗି ବିପ୍ଳବୀ ଧରଣୀଧରଙ୍କର ସଂଗ୍ରାମୀ ଜୀବନ୍ ସବୁବେଳେ ପ୍ରେରଣାର ଉତ୍ସ ହେଇକରି ରହେବା ବଳି ମୁଖ୍ୟମନ୍ତ୍ରୀ ସାମାଜିକ ଗଣମାଧ୍ୟମ୍ ଜରିଏ କହିଛନ୍ । ସେନ୍ତା କେନ୍ଦ୍ରମନ୍ତ୍ରୀ ଧର୍ମେନ୍ଦ୍ର ପ୍ରଧାନ୍ ଭିଲ୍ ବିପ୍ଳବୀ ଧରଣୀଧରଙ୍କୁ ଜୟନ୍ତୀ ଅବସରେ ଶ୍ରଦ୍ଧାଞ୍ଜଳି ଜନେଇଛନ୍ ।

ରଘୁନାଥ ମୁର୍ମୁ ଜୟନ୍ତୀ ଆରବିନ୍ଦ୍/ କଟକ

ଅଲିଚିକି ଭାଷାର ଜନକ ଆର ସାନ୍ତାଳି ଭାଷାର ମହାନ ସାହିତ୍ୟିକ ପଣ୍ଡିତ ରଘୁନାଥ ମୁର୍ମୁଙ୍କୁ ତାଙ୍କର ଜୟନ୍ତୀ ଅବସରେ ରାଜ୍ୟପାଲ୍ ରଘୁବର ଦାସ ଶ୍ରଦ୍ଧାଞ୍ଜଳି ଜନେଇଛନ୍ । ରାଜ୍ୟପାଲ୍ ସାମାଜିକ୍ ଗଣମାଧ୍ୟମ୍ ଜରିଏ ପଣ୍ଡିତ ରଘୁନାଥ ମୁର୍ମୁଙ୍କର ତ୍ୟାଗ ଆର ସାଧନା ବାବ୍ଦେ ସ୍ମରତା କରୁଛନ୍ ।

ଶ୍ରୀକ୍ଷେତ୍ର ପୁରୀ ନ ଜଗନ୍ନାଥ ମାହାପୁରୁଙ୍କର ବିଶ୍ୱ ପ୍ରସିଦ୍ଧ ରଥଯାତ୍ରା ଲାଗି ପ୍ରସ୍ତୁତି ଜାରି ରହିଛି । ମାହାପୁରୁଙ୍କର ରଥ ତିଆରି ଲାଗି ଗଲାକାଏଲ୍ ୩ ନମ୍ବର ଖେପ୍ କାଠ ପୁରୀ ପୁହୁଁଛି । ଗଞ୍ଜାମ ଜିଲ୍ଲାର ଘୁମ୍ବରନୁ ଗୁଡ଼େ ଟ୍ରେଲରଥି ୨୫ ଖର୍ଚ୍ଚ ଧଉରାକାଠ ଅନାଯାଇଛି । ଆଏବା ୧୦ ତାରିଖ ଅଖିତୃତୀୟା ତିଥି ମାହାପୁରୁଙ୍କର ରଥ ତିଆରି କାମ ଅନୁକୂଳ କରାଯିବ ।

ପାଣିପାଗ ଆରବନ୍ଧୁ / ସମ୍ବଲପୁର

ପଶ୍ଚିମ ଓଡ଼ିଶାର ବଲାଙ୍ଗିର, ବୌଦ୍ଧ ଆର ନୂଆପଡ଼ା ଜିଲ୍ଲା ସହେତେ ରାଜ୍ୟର ୭ ଟା ଜିଲ୍ଲାକେ ଗ୍ରୀଷ୍ମପ୍ରବାହ ଲାଗି ଭୁବନେଶ୍ୱର ଆଠଲିକ୍ ପାଣିପାଗ ବିଜ୍ଞାନ କେନ୍ଦ୍ର ସତର୍କ କରେଇଛି । ସେଆଡ଼େ ଆଏଜ୍ ଟିଟିଲାଗଡ଼ ନ ରାଏଜେ ଦିନର ସବୁନୁ ଜହ ତାତି ୪୫ ଡିଗ୍ରୀ ସେଲ୍ସିଅସ୍ ରେକର୍ଡ଼ କରାଯାଇଛି । ଇତାର୍ସଙ୍ଗେ ରାଜ୍ୟର ୧୨ ଟା ଜାଗାର ତାତି ୪୩ ଡିଗ୍ରୀ ସେଲ୍ସିଅସ୍ ଆର ୨୬ ଟା ଜାଗାର ତାତି ୪୦ ଡିଗ୍ରୀନୁ ଅଧିକ ରହିଥିଲା ।

ପଞ୍ଚମ ଓଡ଼ିଶାର ବୌଦ୍ଧ ନ ଦିନର ସବୁନୁ ଜହ ତାତି ୪୪
ଦଶମିକ୍ ୨, ନୂଆପଡ଼ା ନ ୪୪ ଦଶମିକ୍ ୪, ବଲାଙ୍ଗିର ନ
୪୪ ଦଶମିକ୍ ୩, ଝାରସୁଗୁଡ଼ା ଆର ଭବାନୀପାଟ୍ଣା ନ
୪୪, ସୋନପୁର ନ ୪୩ ଦଶମିକ୍ ୫, ସମ୍ବଲପୁର ନ ୪୩
ଦଶମିକ୍ ୪, ସୁନ୍ଦରଗଡ଼ ୪୩, ରାଉରକେଲା ନ ୪୨
ଦଶମିକ୍ ୨, ବରଗଡ଼ ୪୧ ଦଶମିକ୍ ୨ ଆର ଦେବଗଡ଼ ନ
୩୯ ଦଶମିକ୍ ୫ ତିଗ୍ରୀ ସେଲ୍‌ସିଅସ୍ ରେକର୍ଡ଼
କରାଯାଇଛି ।